

許

之

妻

詩

詞

初

集



加港文獻館

Canada-Hong Kong Resource Centre

1 Spadina Crescent, Rm. 111 • Toronto, Canada • M5S 1A1

Gift from

許之遠


加港文獻館

Canada-Hong Kong Resource Centre

1 Spadina Crescent, Rm. 111 • Toronto, Canada • M5S 1A1

大雅教正

許之志



張之志補

於

2024

元

12F

序

史景成

治學貴有恆，孜孜不倦以增其深；點滴之積以廣其博；卓然儒林，有終成一代宗師者。然詩人尙必具悲天憫人之情，兼具率性摯誠之筆，始得傳世之句。故大學問家可世出，而詩人不世也。

許君之遠從吾遊垂三十年矣。知出身書香之家，高叔祖爲粵名詩人、清同治間進士許奇雋，著有「尺蠖齋詩文集」多卷。父復琴先生，著有「中國文學簡史」、「廣東民間文學之研究」、「蹄聲劍影錄」、「江南啼痕錄」等。之遠幼讀小學，六年間古文成誦者百篇，具見聰敏好文。由青及壯，有國危世變之遇。二十而能詩，三十有手抄詩稿

成集。其詩慷慨而善感，盡一詠三嘆之能事矣。胡一貫先生譽能直追蘇辛，可謂至論。惜之遠以其過人之才，不專致力於詩，遂爲文名所掩；是詩國之一大損失也。然之遠之才，又豈僅於尋章摘句之中；予讀其大塊文章，擲地有金石聲。其法書，勁遒不群；其畫作，雅逸有緻。可知才人精到處多，固不必自困於詩國一隅之地也。其爲人，慷慨好義；其爲政，竭智盡忠以圖成。故之遠不必以詩鳴於時，而國不可無之遠也。是爲序。

歲次辛巳春史景成序於加拿大多倫多大學東亞研究院

例言

△ 昔仲尼先師言：「道不行，乘桴浮於海。」余乘桴浮海，至今垂四十有年，天下無道久矣！感慨既多，難禁一詠三嘆之情，遂生悲天憫人之心；每多傷時感事之句，非敢矯情而強說愁也。

△ 卷一爲余三十初度手抄本「去國吟草」之全部，未加修飾，以存其真。該卷「自序」中有「之遠非專攻文學」語，亦紀實也。余負笈楓葉，初仍攻經濟。卅歲以後始讀文學。

△ 卷二爲余三十至四十歲間之作；卷三則四十以後此十六年間近作矣。歲月不居，馬齒徒增。卷二、三亦以應世故，每多唱酬之作；且

俗務羈人，亡失尙多，輯刊者約半耳。

△ 史師景成教授爲余負笈多倫多大學研究院時指導老師，現已退休；母校聘爲榮譽教授。對余過愛逾恆，蒙賜序，謹謝。

△ 以久居外邦，詩作有習用公元紀曆，故仍襲用；非敢忘本也。

△ 余歸國出席立法院，目睹亂象，憂憤交併，不能成詩矣。書此以誌吾痛。

中華民國八十年元旦許之遠於加拿大安大略湖畔小築

目錄

例言

卷一

律詩

登金門堡壘望大陸

懷遠人

偶感

書懷

無題

四

三

三

二

二

午居不寐有感

四

步譚公懷感

五

晨起看雪

五

題贈黃君磊先生畫展

六

登宋王台二首

六

過「尼亞加拉」瀑布

七

見清明詩

八

敬悼于右任先生四首

八

有祝

一〇

離台贈單君

一一

擬古

黃花崗五十三週年祭

一一

絕句

抵加

一三

中宵醒後作 五首

一四

元旦步雪

一六

鄉思

一六

念國

一七

「平安夜」思

一七

詠懷

一七

臨江邊

一八

過台灣海峽放歌

一八

看月

一八

渡海輪偶占

一九

吳公虎教授畫展 四首

一九

新春試筆

二一

赴加經日本東京二首

二一

詞十七調

桂枝香

二三

西江月

二三

蝶戀花

二三

念奴嬌

二四

甘州八聲

二四

醉花陰

二五

望秦川 (二)

二五

鷓鴣天

二六

惜分飛

二七

洞仙歌

二七

如夢令

二八

烏啼居

二八

踏莎行 (二)

二九

長相思

三〇

卷二

律詩

國是芻議擬後感

三二

讀「哀亂」寄梁均默公

三三

紅葉

三二

家嚴五秩晉二以詠松爲題用祝千秋

三三

寄吳肇鍾師

三四

輓吳肇鍾師

三四

詠古

三五

答麟筆兄

三五

寄贈張贛萍兄

三六

迎阮俠清女史訪都

三七

奉和陳教授辛亥冬日感懷

三七

奉答家嚴

三八

聞共使來加

三九

答岳鵞先生

三九

龍年新歲喜聞舞獅

四〇

得古劍

四〇

奉和民鑑詞長

四一

深秋與友登樓有感賦此

四二

題吳以政蝦蟹圖

四二

絕句

鴻鵠

四二

「太空人訪日」二首

四三

讀「竹湖公詩人集」七首

四四

導「自力更生」劇後

四七

題馬

四七

題孟子集註卷末

四八

擬古

送李秋雲老師赴美

四八

送譚宜公歸港

四九

張公香譜八秩雙壽有祝

五〇

詞

西江月

五一

滿庭芳

五一

壽星明

五二

訴衷情

五三

解佩令

五三

蝶戀花

五三

卷三

律詩

壬戌上元湖楓詩社創社雅集次浪平社長韻

五六

壬戌詩人節感賦

五六

端午節懷屈大夫

五七

奉和郭逸之詞丈壬戌七十初度書感並以爲賀

五七

潘新安詞丈蒞多市步陳社長元玉

五七

次韻陳社長并柬詩學班諸君子兼寄雲埠雷基磐先生

五八

奉和馮民鑑翁辛酉八十初度用祝杖朝之慶

五八

新安詞長重臨多市席間所言成律

五九

雅仕花店主人招請觀賞水仙花即席

五九

展花朝步陳社長元玉

六〇

又即席奉和逸之翁

六〇

又即席奉和民鑑翁

六一

侍胡爵坤詞長遊靜林寶蓮寺

六一

再侍胡翁遊濠江

六一

偶成用馮冰若詞丈韻

六二

步潘翁二首

六二

寄故人

六三

絕句

偶感

六四

題美人梅花圖卷

六四

步余超平詞丈答「鐵血少年」元韻

六五

除夕偶感

六五

題梅花

六六

景成師杖朝之慶奉詩三章

六六

湖楓詩社創社誌慶

六七

敬詒銅硯一方陳社長並賀主盟詩社一周年

六八

題林環陔先生竹卷

六八

雅集中啖荔即席

六九

送羅彥賢兄使歐

六九

東江樓頭湖楓小集分韻得頭字

七〇

詩人節懷屈原

七〇

小陽春雅集和陳社長三首

七一

小陽春偶感再用陳社長韻

七二

敬悼郭逸之詞長

七二

擬古

奉賀道生弟四十初度

七三

謝天白先生到訪錄日間所言以應陳社長

七四

贈陶澐師

七四

接新命束裝待發

七五

天安門屠城始末紀實並序

七六

詞

滿江紅

七九

東風第一枝

七九

代跋

八一

卷一

律詩

登金門堡壘望大陸

秋雨闌珊心未了。恨無一語寄江流。孤臣搖落山河淚。故國悲含草木愁。飲馬不忘鴨綠水。招魂應向古寧頭。十年多少飄零恨。涕泣臨風百尺樓。

（一九六〇年）

懷遠人

紅葉黃花濁酒前。天涯何處遞雲箋。依欄空對傷心色。秉燭相逢淚眼緣。露冷霜濃身似柳。枕涼愁重心如鉛。抱琴自分知音少。任教新詞

不上絃。

（一九六一年）

偶感

十載飄蓬第幾程。江南江北別離聲。豪情不廢鏡中雪。感憤應調夢裡
箏。弔古依然秦夜月。問今何處漢家旌。堪憐一代興亡手。珍重他年
可擷星。

（一九六一年）

書懷

天風故國已曾經。歷盡滄溟猶有腥。海角孤臣思漢日。中原鬼火泣秦

星。雖無寄跡平生地。未負流霜入髮青。逐北壯懷終不悔。揚鞭只待一啼聲。

（一九六三年）

無題

小樓初起看星辰。黃葉西風伴此身。離恨簷前流宿雨。舊情昨夜夢中人。於微幾識儒冠誤。話別尤妨新月顰。重展雲箋未忍讀。近來多病豈無因。

午夜不寐有感

暮雲追逐夜闌珊。明滅青鐙對悴顏。牢落天涯憐隻影。寂寥何處是鄉

關。春寒深鎖千尋樹。歲月蹉跎萬里山。自鑑霜華慚馬齒。當年髻髮已成斑。

步譚公「懷感」

踏雪北來又一秋。抱窮未效少年遊。中流砥柱生難了。翹首南天死不休。看劍眼簾微有淚。賦詩筆底漸成憂。此生懷抱共豪傑。對酒河山一臂收。

晨起看雪

映雪晴光照眼明。安湖極目滌心清。十年抱負堪填海。此日精神可請纓。元氣正持青史筆。風華未愧讀書名。衣襟鬢髮旅塵滿。推卻朝寒

看曙星。

題贈黃磊生先生畫展

名起嶺南逐北揚。黃郎才氣自主璋。從容潑墨風雲湧。著意茁成荷柳香。默禱人從幅上出。點睛龍脫壁中翔。溥齊張趙諸賢後。君是英年第一行。

登宋王台 其一

馬前碧海悲銅駝。放眼山川烟浪多。嘆惜當年廢北伐。偏安至此醒南柯。九龍帝子傷心地。萬里江山胡羯歌。渤石興元竟漢胄。千秋史筆感如何。

其二

斜陽終古戀天涯。憑弔興亡壁上詩。衰草頽城賸幾許。荒台冷月況當時。元兇清狠原非類。宋忍明頑信有痴。我亦西風長忍淚。流亡依舊望旌旗。

（一九六五年）

過「尼亞加拉」瀑布

不盡洪流驀地開。大荒萬馬走奔雷。千尋一瀉霧迷底。三面中分浪作堆。夾岸明虹縱綯彩。倚天雲樹欲低徊。憑欄休向東南望。終古英雄共此哀。

(一九六五年)

見清明詩

旅塵不盡天涯路。依舊飛魂向祖塋。半樹斜陽杜宇苦。一身鄉緒笛聲悠。幾曾反哺慈烏白。始解離騷湘水流。荊棘銅駝春乍冷。東風綠裏有紅愁。

敬悼于右老

并序

于公右任少負文名，書詩冠絕，未爲勳名所掩，詞人所當羨者也。心存故國而遺恨台瀛，則千古詞人所同哀也。

氏壯歲奔馳革命，晚歲負中樞監察之責。遺詩願埋屍阿里山之巔。

一、出身

持節三原一牧童。儒巾總髮出關中。行吟摘句落文斗。潑墨吹雲失走龍。西北籌安憑一杖。東南馳奔數元戎。右老曾爲長江都督。橫眉冷掃滿胡後。笑掀長髯不序功。

二、東渡

艱把倭奴逐海東。秧歌趁機播新紅。五黃浩劫成定局。百萬軍民渡海東。慷慨在乎秦不帝。離騷滿矣漢孤蓬。馬蹄故土依然在。鐫像雲台早已濛。

三、留言

秋思不管人頭白。掩映荒林幾轉楓。斷目送殘悲斷雁。歸心無悔付歸

鴻。詩魂夢盡山河淚，醉魄人迷故國風。萬井十年空抱負。

綠化西北
計畫。

夕陽暮樹老英雄。

四、遺恨

月落星沈人不永。斷腸遺恨一詩翁。酬勞淚眼十五載。葬我忠骸第一

峰。

遺詩中
及。

爲慰英靈鄰大木。

遺詩中
及。

直連故國附神龍。風雷吟詠

白雲下。橫覽山河萬派宗。

有祝

（壽岳老盧公少泉，讀此舊作，而盧公作古近十年矣！不勝滋然。）

曾奮當年萬里翔。風華一代敵繁霜。寒梅著雪添凝白。晚節黃花飄遠

香。叔世渾忘知傲骨。難邦輾轉繫柔腸。南山爲證身彌健。海角飛傳祝壽觴。

離台贈別單聯璧兄

莫笑灞陵橋上客。去思愁掛一帆桅。空遺寂寞酬知己。卻負雲誼向不才。江北江南從此別。秋風秋雨最低徊。郵船偏奏陽關曲。休問魂離第幾回。

（一九六一年）

擬古

黃花崗五十三週年祭 并序（擬古）

黃花幾度開落。斯人一去不回。傷心故國，神馳鄉關；念此節當前，對時下青年，多少能記？悵望神州，感慨無已，藉詠此詩以慰英靈，亦稍舒心中塊壘云爾。

山河抱恨披胡塵。明日含顰漢月瞋。可憐二百餘年後。世胄淪爲半殖民。強鄰壓境危累卵，不驚滿人三尺君。男兒慷慨由來自。怒吼直裂萬里雲。碧血迭化江流水。頭顱爭向國門懸。督衙一戰沙場後。空餘白骨對黃昏。偉哉兮斯人！國族之忠兮且孝。千古先哲對無愧。復無負此百年身。萋萋荒草夕陽下。珠海雲山伴忠墳。英靈凝睇應含笑，歲歲此日奠忠魂。黃花綠蔭嶺南地，臥聽遊人說殊勳。誰知世事如轉

燭。未及五十乾坤覆。沐猴抱笏已登場，舊鬼添愁新鬼哭。花開花落日悠悠，草衰草長爲誰綠。忍看故國又沈淪，黃泉相聚難瞑目。嗚呼！今日海外招英魂，獨惜英靈不知我。恨我遲生五十年，不能與君共鞍韉。搔髮行吟空文藻，誰爲人間傳此箋。羨君年青埋忠骨，愧我廿九身首全。獨上高樓悵惘甚。明月偏向故國圓。魂兮未悉今何在。難結此生青雲緣。謹憑心瓣爲君奠。不絕雞鳴風雨天。魂兮歸來！再挽狂瀾共比肩。

絕句

抵加

懷璧踏沙逐北來。風華幾識委塵埃。平生暫付一枝筆。寫盡丹心總不灰。

（一九六二年）

中宵醒後作

愁飲後，中宵醒，詩潮湧難已，用蕭韻，立就五首：

一、

萬里關山路已迢。楓林轉向雪中凋。蒼茫搔髮空回首。贏得斷魂暗裡銷。

二、

酒醒更闌對寂寥。沈沈別恨一鐙挑。飛魂已越小樓出。直渡鄉關石板橋。

三、

橫斜疏雨打芭蕉。迎送西風有牧簫。凝憶幾迷身是客。耳邊猶繞粵江潮。

四、

共憐憔悴心未了。可嘆銅台一小喬。縱使相逢應隔世。海棠消盡不成嬌。

五、

勒馬吳山志未消。傷心客地卻成僑。頭顱自撫今何價。華髮休催兩鬢蕭。

（一九六三年）

元旦步雪

無邊瑞雪飄飄下。望盡關山不是家。佳節依然辜負了。心籠愁緒面籠紗。

鄉思

雁斷雲低上小樓。依稀遠水泊輕舟。最憐借得西風便。載我鄉思入海流。

念國

淚眼胡塵未忍聞。荆卿易水可曾回。黃魂嘆惜今何在。楊子江頭多少哀。

「平安夜」思

夜是平安人未靜。心潮催起繞階行。青鐙也解離人苦。送個影兒伴到明。

詠懷

歷劫勞生終不折。天將大任付斯才。乘風得展撥雲手。消盡山河萬古哀。

臨江邊

水自長流月自彎。江風無語綠波閒。寒雲飄忽殘星冷。淡淡蟾光灑滿山。

（一九五九年）

過台灣海峽放歌時砲戰正烈

風吹花髮連天白。雲湧心潮逐浪高。國難正殷誰肯赴。砲聲引我破銀濤。

看月

麋鹿蘇台兩不見。素娥寂寞九重天。吳剛未解風情甚。猶自持柯丹桂

前。

(一九六四年)

渡海輪偶占

晚霞寥落日西沈。流水行雲相映金。指點江山瞭望遠。夕陽猶似照丹心。

(一九五九年)

吳公虎教授畫展題贈四首

一、

竹修花妍鷹虎雄。嶺南新畫舊唐風。風華已勝趙文敏。國士丹青自不

同。

二、

半生國族事奔馳。回首當年安感之。峽雨瀛雲總入夢。鄉愁多少上新詞。

三、

潔身冷眼向秦庭。亂世孤忠一典型。泊海乘桴寧素願。更留漢事待收京。

四、

未亂中興總有時。金陵重奠不須疑。我爲君掌馬前卒。牽馬吳山君勒

碑。

(一九六五年)

新春試筆

漫道龍蛇活與靈。寸丹不冷是爲貞。清操自有遼東帽。未效時人發怨聲。

赴加經日本東京 二首

其一

富士微茫景色奇。昔仇今友後誰知。勝衰敗起不常道。回首家山大可悲。

其二

橫刀躍馬數銅碑。

軍閥銅像猶矗立東京市中者不知幾乎。

未息戰魂欲付屍。誰証百年無捲

土。

此卷付梓之日，日本重啓佔領釣魚台之心，距此詩適三十載。

血腥隱約太陽旗。

詞

桂枝香 憶碧潭

潭深聚綠，靜水出紅樓，柳纏修竹。山遠連雲凝碧，掛天銀瀑。斷虹有意人間事，與平橋、從容相續。徑幽尋句，月明對酒，盡休榮辱。

念此百年來競逐，數幾度興亡，身世誰屬。差幸朱顏能駐，玉容素束。舊遊底事堪重記，別如何，春山還簇？幾番高處，登臨辜負，

遠舒晴目。

（一九六四年）

西江月

少小八年離亂，長成十五飄零。而今海外怯鄉情，身似萍蹤無定。
休說儒冠誤我，未忘縛就長鯨。不爲富貴不爲名，只爲人生終竟。

蝶戀花

風淡雲低疏點雨，亂綠飛紅，始信春將暮。凝想荔灣臨海樹，也應有
刻心留住。舊約年年思又負，滯恨流怨，直上眉峰聚。紅葉已題
無寄處，空餘夢裏章台路！

念奴嬌

春寒凝晚，催愁侵客館，綺窗堆雪。魂夢鄉關何處是，萬水千山難越。兄弟飄零，高堂在遠，長是年年別。況伊幽恨，分明催上眉睫。

遙想故國風情，山容水意，應照前朝月。瀰漫狼煙和血雨，鬼火依稀明滅。西子微黃，吳山慘綠，銷盡時豪傑。南天遙望，此心堪與誰說！

八聲甘州 除夕

望長空寂寂，暮雲低、佳節上層樓。問蒼茫大地，關河落處，眼底難收。縱使山巒尙靜，只恐大江流，爲訴別離恨，絮絮難休。

欲按

心潮非易，但徘徊今夕，獨自凝眸。倘償平生志，洗甲長江頭。待歸來，放歌高詠，笑談間，意氣逐雲浮。桂華下、攜伊輕棹，一葉扁舟。

醉花陰

小聚無何驚遠別，欲語無由說，執手已銷魂，催發征人，瞬息隨風絕。
愁添金鏡花如雪，月有圓和缺。未免觸離情，心事誰憑，看燭花明滅。

望秦川

恨識三春暮，欣逢對盞前，荼薇花事信無緣，自份人間不奈薄情天。
片紙催腸斷，歸愁憶惘然，陰晴離合總難全，迢遞銀河隔斷碧雲

箋。

（一九六五年）

望秦川

歌者

眉淺春山黛，眸橫綠水波，紅燈夜夜寄笙歌，笑問知音幾許識酬和？

卿本江南女，命如雪裏花，不知他日落誰家，只將靈犀一點付琵琶。

（一九六〇年）

鷓鴣天

一陣斜陽淡淡成，垂楊總遜舊時青。音沈書遠三千里，已別伊人第四

程。空追憶，憶相縈，人間何事似雙星。飛鴻若是知吾意，煩到妝前訴別情。

惜分飛

雲散風流人去後，任教池塘綠縐，有寂寥盈袖，沈檀卻比秋林瘦。
歷歷前情空似鏤，今夕何堪話舊，誰解連環扣，幾番和淚拋紅豆。

（一九六一年）

洞仙歌

慙勤青鳥，問春歸何處。點點殘紅泣飛絮。怨東風，怎不細囑春留，強忍淚，悄自和它歸去。
風風兼雨雨，遙想當年，偶在庭前初相

遇。猶記鬢雙垂，玉立如今，無奈我，儒冠多誤。竟爽約，相會更無期，祇暗嘆流年，又隨逝水！

（一九五九年）

如夢令

意表當年正茂，舒捲牽凌牛斗，浪跡自天涯，若問別來分後，依舊，依舊，祇少著棋猜酒。

烏啼夜

晚霞掩映西峰，夕陽紅，可是黃昏不奈月如弓。人已遠，魂欲斷，憶無窮，試問山高海闊幾時重。

踏莎行

雲海淒迷，江山無數，哀鴻遍野憑誰護，忍看胡騎任縱橫，那堪歲月
成虛渡。
綠水依然，夕陽如故，銷魂莫道非遲暮，茫茫何處覓兒
家，滿天烟雨迷雲路。

其二

愁壓白山，悲凌黑水，神州遍灑遺民淚。夕陽殘照杜鵑啼，炎黃世胄
今何去。
故國魂遊，天涯羈旅，頭顱知否售幾許。龍淵未試已封
塵，衣單休作憑欄柱。

（一九五九年）

長相思

江風亭，晚風亭，池水無心動寄萍，堤邊點點螢。

竹葉青，柳葉

青，綰竹長條似繫鈴，梢頭多少星。

風蕭蕭，雨蕭蕭，風雨橫斜聽弄簫，簫聲慰寂寥。

山迢迢，水迢

迢，山水無窮歸路遙，遙望來去潮。

（一九五八年）

卷二

律詩

爲「萬人雜誌」撰寫國是芻議篇，定稿後，心潮澎湃，遂成此律，藉呈岳騫，董力行，薛毅夫等詞長索和。

破家亡命少年時。歷劫江湖一劍知。強項自憐甘市賈。滿腔孤憤欲橫眉。居朝敢擬擎天柱。處遠猶揮大漢旗。報國文章千萬字。廟堂誰識治平規。

讀「哀亂」寄梁均默公

武士青樓幾寂寥。養廉無計競寬腰。未清台海縱嘗膽。長據中原竟射鵰。詞友天南零落甚。高風地北一瞻遙。癡心三月啼聲苦。不住東流

夜夜潮。

紅葉

舊盟誰解苦辭枝。身不經霜焉可知。夏鬢閨中猶翠綠。秋容嫁後藉胭脂。御溪有意尙流水。末世無情空擬詩。君與天南紅豆子。人間才得寄相思。

家嚴五秩晉二以詠松爲題用祝千秋

（家嚴謝世距此集付梓已三載）

大夫風度有其雄。橫攬青山共始終。根老錯盤能挽地。枝堅張勢欲擎空。歲寒凋後壽徵雪。時炎抱偏仁者風。植北留南真不改。人間勁節

得存中。

寄吳肇鍾師 并序

余讀「網珠集」有吳師詩，中句「萬言書後難求士」。槎觸之餘，遂塗此詩卻寄。

書劍江湖第幾回。文瀾自遠起沈哀。半生抱負難成士。百劫丹心總未灰。夢裡牽懷惟莒墨。尋常不淚對澎台。時艱斷腕儼全首。

余當年曾折吳師治癒也

。腕
信悔當年爲剪裁。

輓吳肇鍾師

猶記青鐙敷藥時。驚聞道統失宗師。一生已盡興亡責。雙手兼存文武

資。湖海英雄相墮淚。儒林異代必眞知。草堂愧未酬杯酒。萬里長懷白鶴詩。

詠古 項羽

霸王舜後亦重瞳。無奈天心殛乃躬。封土婦仁縱漢祖。入關匹勇燒秦宮。楚歌一夜家鄉在。垓下八千子弟空。名馬美人相墮淚。愧無面目返江東。

不見麟筆兄久，思念至深，忽見所作數章誌報上，詩境大進，以爲故人喜，特步原韻卻寄。

縱目莽原萬木蕭。當門青柏未成凋。過江名士今何在。去國舊情早九

霄。伏櫪海隅甘驥老。結廬西子止萍飄。凱歌重唱歸漁獵。君坐掄竿
我射鵬。

雲山珠海兩茫茫。迢遞天南向遠方。一葦有情終可渡。老燕何苦倦還
翔。花非故土都無味。稻是家園便覺香。設使王師能著陸。雞聲甫起
馬蹄忙。

隔江商女不知亡。步上瑤台門遠芳。短劍在腰稱武士。低胸露背號紅
妝。域中大陸軍民反。座上諸公會議長。天地不仁爲芻狗。問君誰是
熱肝腸。

寄贈張贛萍兄

雞聲初曙看木棉。遙想雄姿英發天。羨仗忠肝寒虜膽。敢存道義付雙

肩。幸留苒苒餘生者

註一：贛萍兄著有「彈雨餘生述異」三卷

。贏得斑斑血淚篇

註二：又著有小說「血淚斑

斑」長篇

。如此江山人太少。相期並轡踏幽燕。

迎阮俠清女史訪都

宗姊俠清有題字公所，心儀已久，喜聞其訪都城，特呈一律以迎。

春風化雨到天涯。桃李更栽異域沙。鵝鵝山林魚得水。文章巾幗筆生花。紛紜百姓誰相許。上數百年本一家。聞道騷壇名藉甚。懇從片紙正塗鴉。

奉和陳魯慎教授辛亥冬日感懷

中原寥落不成春。漫道因花思釣綸。遍野哀鴻半餓鬼。一夫專制獨尊神。台澎萬戶誰懷楚。故國千門都在陳。抵掌他年談此代。更由後世笑無人。

撫劍茫茫髮自斑。問今誰憶漢江山。抽刀斷水留難住。破釜渡河信不艱。豈效新亭徒痛哭。應從絕境望生還。敢攜銳旅少於萬。直搗幽燕出玉關。

家嚴攜幼妹抵多倫多團聚，出示旅中作，遂奉答如次。

夢渺家山歸路溼。鏡前相對翻疑眞。六年畢竟去檻樓。壯歲於今未顯親。難道白頭奉老母。誰言寸草報晴春。惘然欲問故鄉事。午夜猶思

易水濱。

聞共使來加

涉洋巨妖劍橫磨。樂土百年竟見戈。看火冒頭荒野犬。隔江埋首可憐
駝。遠山落日恩情薄。終古遺民涕淚多。放眼天南無壯士。空餘北國
一狂歌。

抄讀岳鵞先生去國十九年懷舊之詩，頗惹故國山川之感，爰步元
玉卻寄。

家山夢裡已蕭然。國脈危同一縷煙。望海人流卅載淚。傳書自必老三
篇。漂蘭根白卻無土。杜宇啼紅尙問天。我欲橫刀誰草檄。爲酬此志

待年年。

龍年新歲喜聞舞獅

揖辭狡兔入叢岡。又值蟠龍捲雨翔。人到忍時知定力。梅開雪裡始眞香。手中彩筆千秋業。頭上青天萬里長。百歲功名未一半。醒獅鑼鼓得鏘鏘。

得古劍

并序

予在洋古董店見一古劍，匣身花紋斑斕，鑲銅花甚精美，抽之出，寒光凜射，撫之冰寒，想乃古神物。遂購之歸，成此篇誌之。此劍藏之有年，後與一名印同送義好，交之切與期之深可想見，惜末世難料

離合，思之泫然。

百年身世憑誰主。委地橫陳一任之。夙慧江湖分黑白。飄零此日雜華夷。鋒芒早斂緣憂忌。故國夢迴隔宿稀。霜氣散凝非本色。風塵落拓少真知。

奉和民鑑詞長 並序

道生弟得子，與予對飲至子夜，對近傳說，不禁撫掌大笑，歸來讀書，遂致不寐，展讀民鑑詞長示「尺蠖齋詩文集讀後感」，率步原玉卻寄，不知東方之既白。

末世風澆薄。有心人讀詩。不惟孤影識。長使一鐙知。慷慨君何許。

澄清我所期。獨行明月下。負手入沈思。

深秋與友登樓有感賦此

樓高宜放眼。莫負好山川。日上金流水。風吹葉掃天。秋心隨菊白。月魂對人圓。信步偶回首。升沈總惘然。

題吳以政蝦蟹圖

卷舒隨意頗。出入濁清河。淺撥終浮水。橫行招險波。老來紅履帽。幼覆綠衣羅。抖擻精神好。江湖風浪多。

絕句

鴻鵠

天生傲骨與青眸。不傍平堤逐海鷗。鵬搏已驚塵俗眼。擊穿天水洗神州。

劍向詞長見示「太空人訪月」，爰步原玉奉和。世人羨嫦娥奔月，予則鄙其負情背義，重仙輕凡，雖仙猶俗骨耳。

一、

當年何事賦驪歌。寄語英雄問素娥。靈藥幾曾調寂莫。廣寒宮裏淚痕多。

二、

羿王善射亦神韜。誓海盟山一羽毛。天地仙凡情厚淺。人間誰與浣征

袍。

讀「竹湖公詩文集」

先高叔祖諱奇雋，號竹湖，清季同治進士，著有「尺蠖齋詩文集」，原稿已燬於大陸暴政，民初刊本所存無幾（自紅衛兵亂，暴君法秦焚書）。三伯父遺難香江，恐該集失傳，窮半年之功，將所存刊本繕錄成冊，寄予珍藏以待明時，既感先人遺澤之厚，復感三伯父傳經之德，許願五年，必將之影印行世，用盡後死之心。感而誌之，亦澆胸中塊壘云爾。

射鵰已致學秦痴。不信人間有卷遺。餘燼孤臣重檢點。好存湖海待明時。

二、

一文一字豈尋常。況復多情誌夢鄉。

集中有「鄉園夢誌部」，述鄉土風情、古跡。讀之發思古之幽情，戀故土而益

名勝深。

綠水青山猶在目。吟聲疑帶稻花香。

三、

遺澤清芬尙宛然。鴻詞義理更便便。文章自古千秋業。異代儒林終必

傳。

於續本序中，三伯父有「此集終必得傳」之壯語，予益信焉。

四、

時艱而後知風稜。廿載菜根一豆燈。世亂傳經心事苦。孤忠用筆有其

承。

三伯父書宗柳，爲吾家名筆，正直如其人。

五、

故村江堤已著花。北枝風雪只餘桠。孤蓬散髮朔風裏。愧對流亡說破

家。
（于公句）

六、

曾將心膽許關中。更擬擎杯唱大風。此志未酬誰似我。無名千古幾英雄。

七、

踏北征驂終未疲。風霜久歷添微髭。旁人冷眼看商賈。我亦橫眉燕豈知。

余導演「自力更生」一劇，奮鬥勤樸者必有成，而驕惰者終淪落。中以飾勤儉艱苦持家之慈母尤感人至深，緣成一絕以誌。

奮讀苦研安於家。荆釵寧爲鬥繁華。升沈到此豈云偶。天眼昭昭竟不差。

題馬

風起黃沙捲莽原。英雄筋骨始能論。當年伏櫪今誰健。千里更開闢乾坤。

題孟子集註卷末

正氣淋漓眞浩然。教仁發義德堪傳。奈天不欲見平治。長負斯人一仔肩。

擬古

送李秋雲老師赴美

發音吐字如敲玉。側耳聽君聽不足。異國傳薪此遠行。問誰更唱陽春曲。辛勤夕夕育菁莪。自啖菜根拒修束。

李老師爲文復會中文班義務執教。

強項始能久

執鞭。知君可以共榮辱。堪嘆晉人惜楚材。書成定必能驚俗。

李老師赴美編國語

美爲某大教材。

記得明春及早歸。與君再剪西窗燭。

送譚能宜公歸港

衆抱乘桴想。獨唱歸來辭。清風何所慮。名韁久不羈。欲問離別意。
惟效老萊兒。叔世少孝道。聞者議以癡。兒孫近繞膝。高堂遠天陲。
捨近而就遠。分明根與枝。賢哉譚夫子。感我安如之。孩提初相見。
摩頂論生時。予年瞬自立。公齡逾古稀。老少成知己。談詩早忘機。
忽聞歸鞭整。相聚更何期。烽火家鄉事。行止須多思。哂我杞憂者。
運限早卜知。五黃亂已定。六白理無危。況乃承歡事。豈可再費詞。
山水平生志。粗蔬啖如飴。暮宿桂鳳譚。桂鳳山與良金山
同爲故鄉名山。朝餐良金曦。
柯伐南山竹。竿釣東海魚。羨公歸隱日。我尙名韁馳。智愚比天淵。

何日醒頑痴。拍飛名利土。爲君掌蓑衣。歸去來辭曲。短笛一橫吹。
點也是吾意。相逢信不遲。東風去已遠。新柳尙依依。亂世兒女態。
忍者亦魂離。

張公香譜八秩雙壽有祝

蒼城之山何蒼蒼。曲江之水何湯湯。奇雄俊秀俱備矣。遂納仁智出賢
良。香公其來當有自。經學少年已杖鄉。鵬擊三千奮關外。木鐸一聲

振遼陽。黑水白山留政績。京華側帽噪文章。冷眼梟雄甘寂寞。

袁氏
蒿自

僭遵，公
南歸。

退爲桑梓置學堂。

公創設廣東
國民大學。

從此菁莪遍百粵。春風有幸列

門牆。

家嚴爲公
門生。

化雨連綿滋兩代。兒時仰止謁高陽。

公來訪，謁於高陽
小學，我尙兒時。

公今海外尊碩宿。髻髮我亦已微霜。八秩雙壽人間少。仁者之壽都無疆。杖朝之後更彌健。笑入金陵再奉觴。

詞

西江月

并序

聞美總統訪大陸，獲贈熊貓一對，并受全鴨宴招待云，頗多感喟，成此闕，並藉奉和馮民鑑詞長。

數載南韓喋血，幾多北越囚牢，堆成白骨比山高，只抵一雙熊貓。
乒乓球來球去，中西人往人逃，欲嘗全鴨可朝毛，左右無關休咎。

滿庭芳

步林炳光兄
并以爲贈

逐浪飄萍，流霜短髮。客中情緒斜陽。落暉何恨，催桂華西窗。難寐堪憐髀肉。興亡事，掩映銀缸。休回首，關河萬里。易水咽寒螿。

難忘、同聚首，深留印象，不住韶光。看黃庭試寫，風骨無雙。別後悠悠歲月，知荷蓋，幾度池塘。君蓮也，相違益遠，澹淡愈清香。

壽星明

壽家君六十初度

英歲崢嶸，臥枕樓岡，走馬西川，看神州萬里，蒼生正苦，蹄聲劍影，滿地烽烟，彈雨有情，中原無恙，當日何曾讓祖鞭，山河改、寫江南淚漬，巨筆如椽。

壺懸海曲神仙，好草擬西征復國篇，況倚湖執卷，吟風歌雪，精神正健，杖履彌堅，出則攜雲，歸而戴月，不飲還

施買酒錢。眞仁也，有汾陽爲祝，樂比東平。

訴衷情

不甘身手等閒來，風雨過澎台，十年磨劍依舊，搔首處，鬢驚灰。

家國事，有餘哀，怎能排，此情誰解，心在漢闕，人在天湄。

解佩令

送湯秀
兄赴美

旅魂勞苦，中年哀樂，已銷磨、多少英雄氣，付與文章，一半是，壯
懷聊寄。幾人知，寫都無謂。新亡好友，又離知己，竟分嘗死生

滋味。休上高樓，望窮盡，海天藍蔚。到明年，問君歸未！

蝶戀花

拙著「唐人街
外史」開場白

漫道金山容易去，萬里飄蓬，身已如飛絮。白髮蕭蕭回首暮，辛酸多
少難忘處。

今日洋場趨若鶩，同是漢人，爭說胡人語。看盡升沉
貧與富，寫成滿紙荒唐句。

卷三

律詩

壬戌上元湖楓詩社創社雅集次浪平社長韻

上元又在雪中來。忽見湖楓詩社開。依舊家山常夢寐，尙憐腕底少風雷。不辭直筆數秦帝。休笑此身本楚材。爲問今年新歲願。凱歌重踏舊城垓。

壬戌詩人節感賦

放逐江湖意自淒。離騷有據增讒詆。汨羅浪淹孤忠淚。楚地空留杜宇啼。南海魚龍都靜寂。故山猿鶴已聲嘶。賈生尙以梁王哭。我祇行吟向日西。

端午節懷屈大夫

散髮江湖帶劍行，問天何以慰平生，招魂顯寄從容意，哀郢悠吟故國情，衆夢大沈期大醒，滿腔孤憤等孤鳴，愴懷千古傷心事，依舊村人瓦釜聲。

奉和郭逸之詞丈壬戌七十初度書感並以爲賀

隅南荒北總洋場。一自當年別故鄉。轉眼旌牙成落齒。徒呼筍腹熱中腸。君家筆墨眞堪壽。社友詩文賴以強。此夕懸孤慶令旦。不辭醉倒又何妨。

潘新安詞丈蒞多市步陳社長元玉

卅年浮海少眞知。落拓江湖氣自奇。楓葉有緣呈眼底。車塵無句不心儀。兒郎未愧回首手。

潘丈之三公子煜昌醫師爲多倫多名醫。

妙筆何妨兼畫眉。來歲騷壇

推祭酒。非君誰屬怎題詩。

次韻陳社長并柬詩學班諸君子兼寄雲埠雷基磐先生

學劍學書兩未成。暫憑健筆寫心聲。男兒自有青雲志。文藝吾能仔細評。楓葉篇篇題點處。乾坤朗朗寄多情。與君珍重歲寒意。一卷名山千里程。

奉和馮民鑑翁辛酉八十初度用祝杖朝之慶

海屋添籌值此辰。知公原是老松身。乘桴自有遼東帽。賞雪更無楓葉

塵。杖履樂山還樂水。詩文弘道復弘仁。雞聲一唱開天曉。佇看王師
終滅秦。

新安詞丈重臨多市席間所言成律

中原禮失野求之。孤島騷盟三百斯。去歲憑公一席話。今年結社上元
時。君家自古多情種。舉座同欽絕妙詞。若論辯才今勝昔。重來柏酒
滿瓊卮。

雅仕花店主人招請觀賞水仙花即席

爲誰雅仕發雲箋。惹得詩人眼望穿。綽約更疑天謫女。娉婷竟是水中
仙。素心自惜何須艷。綠意吾從不避妍。我亦江湖孤憤客。與君同結

出塵緣。

展花朝步陳社長元玉

北地春遲姍步中。牆花不是隔年紅。尋梅故國家何在。作客孤心誰與同。收拾虛名歸美酒。放開懷抱寄詩筒。平生得意文章在。健筆至今傲世風。

又即席奉和逸之翁

久寒原草甦東風。一夜綠枝梢點紅。歲歲花朝何忽忽。年年此日太匆匆。君能吟詠誠雅士。我亦題詩呈諸公。凝憶江南春尚在。依稀如夢鶯聲同。

又即席奉和民鑑翁

遙望南陬思轉東。風霜北地亦春融。杜鵑聲裡情何已。魂夢家山路未通。晴目登臨隨野綠。淚痕抹淨迫燈紅。中年哀樂平生意。付與寂寥聽雨風。

侍胡爵坤詞長遊靜林寶蓮寺

相逢尙幸身彌健。知遇誼情師友間。君似神似過小卮。

胡翁曾中風竟癒。

我

仍泥馬渡江灣。功名一念原爲劫。

腹聯二句均胡翁禪意。

青史千秋總是關。記否

靜林茹素日。攜雲衝雨訪湖山。

再侍胡翁遊濠江

猶記濠江初履時。

予於一九五〇年離鄉赴港經濠江；時年十五，重遊時已逾知命之年矣。

重來此日有愁思。

澳門人以一九九九年交還中共，與港人同稱「大限」。

魚龍已醒繁華夢。猿鶴相嘶欲倒枝。孽子難爲

故國淚。孤臣祇讀問天辭。捲簾暮靄蒼茫處。正是家山在水湄。

偶成用馮冰若詞丈韻

乾坤渾沌雜龍蛇。四海本來同一家。顏色漸分藍與黑。心田漫衍正和

邪。良知乃在靈明處。

王陽明語：「良知乃在心靈明覺處。」

惡性變成虎爪牙。我似老僧

有法眼。是非隔袋入袈裟。

香港有「九七大限」，潘翁有送友人定居加國二章，率步原玉卻寄。

其一

漫道洋場隔一河。回頭總覺薄情多。已溫卅載繁華夢。時到此日蕭索歌。投暗明珠應有淚。落霞孤鶩失其和。夕陽雖好催樵鼓。等是青絲漸近皤。

其二

只問嫁粧便可知。可憐紅粉自情癡。閨中待我如人僕。及長推儂棲惡枝。海水翻波尙短噓。花容照影復長噫。明朝文定何能免。輾轉難平心上漪。

寄故人

久無詩夢到明台。忽有靈眸自遠開。化蝶春蠶憐脫繭。離人北地憶南梅。瘦林蕭瑟雪銀白。歸路迷濛心字灰。猶記夜闌燈下語。當時曾問幾時回。

絕句

偶感

少年曾抱凌霄志。近歲漸萌黃菊香。千石折腰同五斗。何如大塊寫文章。

題美人梅花圖卷

佳人何事惹沈思。素縞玄裳薄胭脂。相與梅花爭國色。世間誰惜此冰

肌。

步余超平詞丈答「鐵血少年」元韻

其一

日日案頭長執筆。年年煮字非療貧。只緣道義久淪喪。喚起良知抗鬼神。

其二

螢螢燈火孤忠淚。澎湃心潮幾度來。一讀離騷重掩卷。江山自古有沈哀！

除夕偶感

今年書畫逾千幅。展覽來觀亦萬人。十載爲文三百萬。此生疑註不閒身。

題梅花

梅花冒雪迎春早。國色國花亦國寶。敢敵瓊樓高處寒。笑他附勢隨風草。

景成師杖朝之慶奉詩三章一曰篤學二曰高潔三曰謙禮藉述師德用祝千秋

一、

鶴骨松身白髮巔。啓期三樂亦今言。試看當代史夫子。八十猶成周禮

篇。

二、

瓊樹瑤林地上仙。志行高潔碧於天。投錢飲馬清如許。恰似污泥出白蓮。

三、

崔詩在上韓文前。謙德誰今比古賢。夫子杖朝稱大老。猶爲弟子寫華箋。

湖楓詩社創社誌慶

戴帽遼東厲雪時。不因胡語學胡兒。提倡風雅開文運。點染湖楓入漢

詩。

敬詒陳社長銅硯一方并賀主盟詩社一周年（二首）

點染湖楓三百篇。知君長以硯爲田。送君不是無情物。可伴詩人寫大千。

風義平生總淡然。相知以外復相憐。乘車戴笠吾儔事。主領騷盟又一年。

重九雅集荔溪林環陔先生寫竹即席

時人畫竹得其俗。此卷清標隨意綠。重九荔溪興到寫。對之可以消塵欲。

雅集中啖荔即席

鳴蟬此日唱高枝。正是荔圓初熟時。除卻玉環誰賞識。可憐坡老亦相思。

棟風搖曳看芳姿。一褪紅裳白玉脂。惹得君王爲掛綠。嶺南傳頌到如斯。

送羅彥賢兄使歐

楓葉誰還唱黑頭。分明風雨不同舟。寒天飲冷心猶熱。匹馬單刀又赴歐。

東江樓頭湖楓雅集分韻得頭字（四首）

等閒白了少年頭。不爲烏私恩與讎。我在江湖去國遠。只緣後樂總先憂。

卅年心事幾時休。我亦微霜漸白頭。烟水茫茫山隱隱。不堪回首認神州。

殘山賸水今何世。慚向黃陵我一祭。不是書生惜此頭。乃留直筆數秦帝。

天生傲骨與青眸。不是漢民便楚囚。他日王師再北伐。國門我亦爭懸頭。

詩人節懷屈原

故國河山日影斜。汨羅煙水望中賒。招魂天問無消息。誰記兩湖舊楚家。

小陽春雅集和陳社長三首

其一

一年又是小陽春。寥落生涯只避秦。差幸安湖風景好。

予卜居安大略湖畔之多倫多市。

卜居堪比武陵人。

其二

懷抱從來不易陳。詩心又感小陽春。寫蘭寫竹千千筆。也學楊州賣畫人。

其三

月魄荒唐綠酒醇。兩鬢漸斑意漸眞。四十年前辭故國。客中又過小陽春。

小陽春偶感再用陳社長韻

已寒重九去。回暖小陽春。灑酒酬花事。懷人思海濱。詩興隨帽落。客地保吾眞。檢點平生意。還慚劫後身。

敬悼郭逸之詞長

北風吹夕陰。大雅一星沈。人奠靈前酒。獨憐夫子心。詩成詞友誦。

席缺主壇吟。

郭氏爲快報詩壇。

重讀烹光集。

郭氏著有烹光樓詩集。

淒淒寒夜碁。

擬古

奉賀道生弟四十初度 （擬古）

人生四十眞開始。不是白頭老無齒。珍重英年好時光。時光苒苒如流矢。國家喪亂逾百年。萬言書後難求士。正義是非久蕩然。世間幾多頑無恥。君家不務黃金屋。君家不羨顏如玉。奇磊江湖仗劍行。凌霜傲雪比秋菊。如松之健蘭之香，勁節清標等修竹。榮辱與共不相忘。與君世世爲手足。願君自比奇男子。百載功名付青史。還我河山未白頭。泛舟同飲長江水。

節近中秋而淫雨竟日陳社長又催詩適謝天白先生到訪錄日間

所言藉呈社友

分明佳節已當前。夜色如塗雨如織。撩我山川故國思。山川在南人在北。中原父老望旌旗。卅載廟堂定長策。長策能定天下乎。武侯對之長惻惻。離騷視作楚狂人。躑躅獨行吳市客。只許今宵風月談。此情可問謝太白

贈陶澐師

昔人寫畫先論道。有筆有墨始爲好。近世畫人論技能。塗脂抹粉思營造。媚氣多而卷氣少。惡色惡墨不知曉。畫風到此入頽唐。匠氣滿紙格局小。我讀陶畫十年早。苦瓜氣韻真絕倒。山容水意若有情。蒼苔

映樹自濕燥。近年有機得親仁。靜觀度紙打草稿。一杯清水一硯台。
幾枝毫筆幾色皂。橫鈎直皴點復點。妍枯相交厚亦險。畫成畢座嘆精
微。古貌展笑隨手染。杯水尙清人未疲。怎教人不低首歛。

接新命束裝待發

北俄壓境算舊恨。南越陳兵三十萬。東有強鄰西藏煎。中原糜爛迫人
變。自由火炬隨處見。民主遊行遍禹甸。我在地北望天南。天南健兒
上征驂。呼我歸來同北伐。專電飛傳腊月三。憶昔少年離家早。金門
砲戰入寶島。學成又作浮海行。江湖布衣成野老。我接新命長嘆息。
感慨英歲無人識。中年哀樂辭家難。又恐兒輩不努力。妻賢笑我多杞

憂。訓子持家自能周。兒女問訊知父愁。誓進德業爭上游。聞言我自破顏笑。笑解心頭千百繞。收拾行裝待昏曉。挑鎧拔劍復長嘯。先訂平賊大綱要。再寫漢家招降詔。三擬文獻祭太廟。

天安門屠城始末紀實並序

天安門屠城，海內外詩人感詠多矣，尙未見敘始末之詩史也。夫人類文明至八十年代之末，竟有同類屠城之舉，實吾民族之傷心史也，豈可無詩史耶！緣不忖自陋，勉力補此一章，用存信史，亦誌此痛！

天安門前風雲起。

①學生與民衆集天安門，哀悼胡耀邦之冤死。識者知乃十二年前弔周之故智，藉向中共政權洩憤。

專制政權

千夫指。四十年來失自由。學生遊行爭民主。悼胡非關死魂靈。

②知胡

之下台實由民運而起，可知識青年非有愛於胡氏。

倒鄧皆因老不齒。八十年代竟垂簾。

③趙紫陽對戈巴會通過祕決：

契夫稱，中共十三全黨領袖為鄧小平。

文明古國付笑史。青年熱血久沸騰。傷心國族誰能

已。民運春風吹草原。大喚黃魂知國恥。獨夫惡向膽邊生。萬衆心連

絕食始。

④中共不理學生要求平等對話，學生領袖吾爾開希等三千人開始絕食。

民主女神立廣場。

⑤北平學生每塑像，暨對

夜趕製民主女神毛曾掛像之前。

毛曾懸像添墨屎。

⑥毛曾懸像為人潑污。

袁木對話火加油。

⑦袁要

木斥學生之求為妄想。

李鵬軍管聖上旨。

⑧李鵬以總理名理下令軍管，不循法序，稱係鄧氏之意。

百萬人集天安

門。血肉長城擋兵多。

⑨三十八軍入城，為百萬民衆所阻。

憶昔五四運動時。軍閥何曾

放一矢。如今人民解放軍。人民坦克輪下死。

⑩中共遣坦克進入天安門，輾斃學生群衆。

圍

城動員卅萬師。民衆驚奔如突豕

⑪中共未依諾言，軍隊驟然開槍，僅放東南一角讓示威者脫離廣場，致民衆相驚踏死者無數。

火網四方八面來。惡彈國際早禁止。

^⑫北平醫務人員稱，中槍者俱為達姆彈，體內爆炸，早為國際所禁止。

傷者倒地尙呻吟。下令焚屍火中燬。

^⑬中共掩飾傷亡真象，死傷者一律就地焚燬。

格殺勿論

暴於秦。

^⑭軍管令中有多條用「格殺勿論」。

追捕名單長於史。

^⑮見追捕名單，而尙有秘密追捕之公布者。

秋後算帳是誰言。

^⑯鄧小平有此一問。即不承認趙紫陽之保證。

偏在秋前奈老子。卻言民死

三十餘。

^⑰中共公然說謊，稱屠城中僅有三十三人喪生。

士兵傷亡三百幾。休信屠城獨夫言。

謊稱只殺壞分子。

^⑱天安門屠城，死者均為壞分子，學生無一死傷云。

柴玲錄音君應聽。

^⑲屠城真總指揮

相應聽學生柴玲錄音。

再讀吾爾開希紀。

^⑳學生領袖流出，有書面聲明，言學生犧牲萬人不足奇。

為存信史記

當時。字跡模糊淚滿紙。

詞

滿江紅

讀胡一貫先生詠蘭五章有感賦此并擬爲拙著「風雨江湖三十年」代跋

笑傲江湖別有意，非關落魄，獨行志、功名塵土，潔身如璧。讀盡古今奇士錄，眼中只學萬人敵，論文章詩酒與豪情，誰相惜。千秋業，還期得，興亡事，匹夫責。況故園烽火，至今猶冒，目送遼天孤雁去，枕痕夢返家山北，問彼蒼、何以這昏庸，人頭白。

東風第一枝

拙著「謬謬集」代跋

有筆難描，無人可訴，青絲暗換華髮，歲寒又近年關，隔窗聽風看雪，爐紅火旺，恰似是、當年豪熱，記否揮臂誓盟時，耿耿此心如鐵。

人漸老、過河一卒，情轉脆、易傷感別。海天一鶴孤飛，覽盡虎

狼蛇蠍，江郎老去，應憐我，韻艱詞拙，可知字字雜啼痕，點點是心頭血。

代跋 許衷情用稼軒韻

不甘身手等閒來
風雨過澎台
十年磨劍依舊
搔首震鬚驚
灰家國事有餘
哀怎能排此
情誰解身在漢
竊家在天涯

辛次章乙亥

許之書



並書

作者其他著作：

「火花」(文集)

「暗潮」(小說)

「唐人街外史」

(章回小說)

「楓葉奇情錄」

(短篇小說)

「風雨江湖三十年」

(傳記文學)

「一個中國良心的異議」

(政論，出版中)

作者通訊處：33 Nassau st. Toronto,

加拿大 M5T 1M3

台北市中山北路三段

91號 218室

中華民國八十年四月二十九日出版

許之遠詩詞初集

訂 價 60元

作 者 許之遠

發行人 汪元生

出版者 華興書局

地 址 台北市和平東路一段182號9樓

電 話 3632372 • 3622800

郵政劃撥帳號：0015499-0

行政院新聞局局版台業字第1820號

CANADA HONG KONG LIBRARY



3 1761 07691741 8

45

ADA_HK